

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

(inatsisartunut ilaasortaqaq Anthon Frederiksen, Partii Naleraq)

Naalakkersuisunut apeqquutit:

- 1. Puisit amii ammerivimmi Great Greenland-imi uninngaannartut nunatta sinneranut iluaqutaaneruleqqullugit akikitsumik tuniniarneqarsinnaanerat Naalakkersuisut qanoq isumaqarfigaat ?**
- 2. Ammeriviup puisit amiinik eqqaaginnalersimanera Naalakkersuisunit qanoq iliuseqarfigineqarpa ?**
- 3. Piniartut ameerutiminnik ingerlaannartumik akissarsisinnaajunnaarnerat Naalakkersuisunit qanoq iliuseqarfigineqarpa ?**

Tungavilersuut:

Tusagassiuutitigut tusarparput Nunatta ammerivia ingerlanerlioqqilertoq aammalu sulisut ilaannit soraarsitsiortulersimasoq, minnerunngitsumillu piniartut ameerutaannut akiliiniartarnera piniartunut amiinnarnik isumalluuteqartunut inuuniarnikkut assorujussuaq ajornartorsiortitsilertussanngortoq.

Puisit amerpassuit eqqaannarneqalersimasut tusagassiuutitigut tusarparput, tamanna piniartunik mitallerneruvoq akuersarneqarsinnaanngitsoq, taamaattumik Naalakkersuisut Ammerivimmik piginnittut akuleruttariaqatut Partii Naleqqamiit isumaqarpugut.

Aamma puisit amerpassui tunineqarsinnaanatik ukiorpassuarni uninngaannartut allatut ajornartunik akikillillugit sinerissap sinneranut tuniniartariaqarput isumaqarpugut, tassami taakku qulanangitsumik sinerissap sinnerani assassorlutik sullarissunik atorfissaqartinneqartorujussuupput. Aatsaat taamaaliornikkut atorluaaneq aamma

tassuunaarlugu pivirusungortinneqarsinnaassooq tamanut iluaqutaasumik aamma ammeriviup aningaasaqarneranut.

Apequtit ullut suliffiit qulit qaangiutsinnagit akineqarnissaat kissaatingaara.